

GO DIRA KGOPELO YA MAEMO A OBAMELO YA TEFELO YA MOTŠHELO

O ka dira kgopelo ya Maemo a Obamelo ya Tefelo ya Motšhelo (TCS) bakeng sa morero o itseng:

- ka inthanete go [eFiling](#); goba
- ka go etela [lekala la SARS](#).

Go dira kgopelo ya Maemo a gago a Obamelo ya Tefelo ya Motšhelo (TCS) ka eFiling

Ge o feditše go lebelela profaele ya gago ya *"My Compliance Profile"* (Profaele ya ka ya Obamelo ya Tefelo ya Motšhelo), o ka dira kgopelo ya Maemo a Obamelo ya Tefelo ya Motšhelo (TCS) ka:

- Go dira kgetho ya Kgopelo ya Maemo a Obamelo ya Tefelo ya Motšhelo (TCS) le mohuta wa TCS yeo o nyakago kgopelo ya yona. O tla ba le dikgetho tše di latelago:
 - Maemo a mabotse dipukung
 - Thenda
 - Tumelelo ya Dipeeletšo tša Dinaga tša ka ntle (FIA) tša batho ka noši fela
 - Bofaladi (batho ka noši fela)
- Tlatša Kgopelo ya Maemo a Obamelo ya Tefelo ya Motšhelo (TCS) gomme o e romele go SARS

Maele a Bohlokwa kudu: Ditokumente tša thekgo di swanetše go tihomelwa ge go dirwa dikgopelo tša [FIA](#) le [Bofaladi](#) kudu ge ditokumente tša thekgo di kgopelwa.

Balefela motšhelo bao ba šetšego ba faletše gape bao ba nyakago go fetišetša 'Dithoto tše di Šetšego tša Bafaladi/Emigrant's Remaining Assets' (tše di bego di bitšwa Dišhelete tše di Thibetšwego) ba swanetše go kgopela TCS bakeng sa FIA ka [eFiling](#) goba go [Lekala la SARS](#). Ge o dira kgopelo ya TCS mabapi le FIA, o swanetše go seta *'Source of capital to be invested'* go *'Emigrant's Remaining Assets'*. Go hwetša tshedimošo enngwe, lebelela [tshepetšo ya go fetišetša Emigrant's Remaining Assets \(Tšhelete ya go Thibelwa\)](#).

Ge kgopelo ya gago e šetše e dumeletšwe ke SARS, o tla fiwa kakaretšo ya maemo a tefelo ya motšhelo le PHINI. O ka kgopela gore PHINI e romelwe ka SMS gomme o ka e lebelela go papetla ya tebelelo ya *"Tax Compliance Status Request"* profaeleng ya gago ya eFiling. PHINI e ka gatišwa ka mokgwa wa lengwalo wa TCS.

Maele a Bohlokwa kudu: PIN yeo e kgethegilego e tla fiwa go kgopelo enngwe le enngwe yeo o e dirago.

Kgopelo ya Maemo a Obamelo ya Tefelo ya Motšhelo go lekala la SARS

Ge o dira kgopelo ya Maemo a Obamelo ya Tefelo ya Motšhelo [lekaleng la SARS](#) gomme ge e dumeletšwe, Maemo a gago a Obamelo ya Tefelo ya Motšhelo a tla akaretša PHINI yeo e ka romelwago go wena ka SMS go nomoro ya sellathekeng yeo e ngwadišitšwego yeo SARS e nago le yona go direkhoto tša gago goba e ka emeilwa go wena.

PHINI ya Maemo a Obamelo ya Tefelo ya Motšhelo

PHINI e go fa tsela ya go kgona go dumelela leloko la boraro go kgona go lebelela maemo a gago a obamelo ya tefelo ya motšhelo inthaneteng ka eFiling.

Ge o file PHINI go leloko la boraro, PHINI e tla kgontšha mokgatlo wa go amega goba kgoro ya mmušo go lebelela maemo a gago a bjale a obamelo ya tefelo ya motšhelo inthaneteng. E tla ba fa kakaretšo ya maemo a obamelo ya tefelo ya motšhelo ka letšatšikgwedi le nako yeo ba e lekolago le maemo ao a bego a le go ona ge o be o fiwa PHINI Go šireletša khupamarama ya tshedimošo ya molefela motšhelo, ga go tshedimošo enngwe yeo e tla fihlelelegago.

Na o hloka thušo?

Go hwetša tshedimošo ka botlalo ka kgopelo šupetša go ["Guide to the Tax Compliance Status Functionality on eFiling"](#).

Goba letšetša SARS Contact Centre go 0800 00 SARS (7277) goba etela lekala [la SARS la kgauswi le wena.](#)